

www.BibleForChildren.org



Génesis 6



Caychömi isquirbiraycan Noëpa
willapan: Noëga caran amatar
alli runa. Chay wichanga
payllami Dios munashanno
goyaran. Cay pachacho tiyaj
runacunaga fiyupa mana

allimanna tigrasha


caran.

Jucha

rurayllamanna uman

churacasha

caycaran.



Chaymi Noëta Tayta Dios niran: «Cay pachacho caycaj runacunaga carcaycan fiyupa jucha rurayllachömi, wañuchinacuyllachömi. Chaymi munducho cajtaga ushajpaj illgächej-aywä.»




«Chaymi gamga guerupita ruray achca
cuartuyo j atuncaray büquita. Yacu mana
yaycunanpaj jananpa rurinpapis breyawan
chapanqui.»



«Chay büquita ruranqui
cayno: larguyninta
ruranqui pachac quimsa
chunca pichgan
(135)
metruta.

Anchuyninta
ruranqui ish cay
chunca ish cay (22)
metruta. Altuynintanami
ruranqui chunca quimsa
(13) metruta.»




«Micuyta churanqui
aypallata
quiquicunapäpis
animalcunapäpis. Chaytami

büquicho
llapayqui
micunquipaj.»




Büquimanga yaycachinquipaj cay pachacho caj
tucuy-niraj uywacunatapis chinan orgunta.

Chaynöpami paycunapis gamcunano salbaconga.




Limyu caj uywacunataga ganchis majata chinan
orgunta charircur büquiman wichganqui;
mana limyu cajta ichanga chinan orgullanta.





Löcu tamyawan mana
wañunanpämi Noëga
büquiman yaycuran
warminwan, wamrancunawan,
llumchuynincunawanpis.





Chay tamyaga gallaycuran
mushoj wataman gallarej ishca y
quilla chunca ganchis (17) junajnin
caycaptinmi. Noëga caycaran sojta pachac
(600) watayoj. Syëlucho yacuta chaparaycaj
puncucunapis quichacäcuran. Tamyaycaptillanmi
yacuga pacha rurinpitapis pashtacaramuran.





Tamyaga tamyaran chuscu chunca
(40) junaj chuscu chunca
(40) pagas mana chawayllapa.



Yacuga masta mastana
juntaycaran. Chaymi büquiga
yacu jananpa wampur
tumaycaran.



Tamyaycaptillan yacuga juntaran altunnin puntacunata ñitinanyaj. Allpa janancho tiyaj jämayniyoj cäga llapanmi shengaypa ushacaran.



Tayta Diosga manami gongaranchu
Noëta y büquicho caycaj
animalcunatapis. Chaymi Dios niran
chay lamar yacuta wayra pücananpaj.
Wayra pücaptinmi yacuga
chaquiya gallaycuran.





Chaypitaga Noé cacharan
juc palumatana yacu
chaquishantana u manaraj
chaquishantapis
musyamunanpaj.




Ishcay caj quillacho ish cay chunca ganchis (27)
junajninna caycaptin intëru allpa jananpita yacu
chaquishana caycaran.



Chaymi Noëta Dios niran: «Cananga büquipita
llojshiyna llapayqui chaycho cäga, gampis
warmiquipis wamrayquicunapis
llumchuyniquicunapis.»



Chaypita Noëga juc altarta pergaran Tayta Diosta
adurananjaj. Nircur
limyu caj
animalcunapita
jucta-cama chariran.
Chaycunata pishtarcu
altarcho rupachiran
Tayta Diospaj.






Runawan
animalcunawan
imaycamapis
contrātu
rurashäpitami cay
señalta churä.
Pucutaymanmi turmanyata

churashcä. Cay
pachacho tiyajcunawan
noga contrātu rurashä
musyacänanpaj chay
turmanyami señal caycan.





Allpa jananpa
pucutay shamuptin
chaychömi
turmanya yurengapaj.
Chay turmanya
yuriptenga noga
yarpäshäpaj gamcunawan

Ilapan animalcunawan
conträtu rurashäta.
Yarpärishäpaj yapayga
manana löcu tamyawan
illgächinäpaj noga nishäta.



Noëta

wamrancunatawan bindisyunta

goshpan Dios cayno niran:

«Gamcuna miray aypallaman cay
pachaman juntananyaj. Noëpa

wamrancuna büquipita

llojshej caycunami caran:

Sem, Cam y

Jafet.»



«Camga Canaanpa
papäninmi caran. Chaycunami
Noëpa quimsan wamrancuna
caran. Paycunapita miraj
wamrancunawannami
cay pachacho yapay
aypallamanna miraran.»



Tayta Diosga runacunata fiyupa
cuyarmi japallan cuyay wamranta
cachamuran Payman pipis yäracoj
cäga mana wañunanpaj chaypa
ruquenga imaycamapis
cawananpaj.



Romanos 3:23 Llapan runami juchayojlla caycan.
Chaynöpami salbacoj Tayta Diosninchipa ñaupanpitapis
carucho caycanchi.

Romanos 6:23 Jucha rurayllacho cawajcunapa pägonga
wañuymi. Tayta Dios gomashanchimi ichanga Tayta
Jesucristuwan imaycamapis cawananchipaj caycan.

Hebreos 9:27 Chayno juc cutillami pï-maypis wañun.
Chaypitaga cawarimonga imano goyashanpitapis jugasha
canallanpänam.

Efesios 2:8,9 Tayta Diosninchichi cuyapäcoj carmi
Jesucristuman yäracuptiqui salbashurayqui. Manami
imatapis rurashcanquichu salbasha canayquipaj. Chaypa
ruquenga quiquin Tayta Diosninchichi munarmi
salbashurayqui. Manami allicunata rurashayquipitachu
salbashurayqui. Chaymi pipis mana alli-tucongachu
«caytami wactami rurashcä» nir.



Romanos 10:9,10 Chaura Jesucristo Taytayqui cashanta willacorga y wañushanpita Tayta Diosninchi cawarachimushanta rasunpa riguerga salbashami canquipaj. Jesucristuta cawarachimushanta riguiptinchëga Tayta Diosninchi allimi ricamëshun. Jesucristo Taytanchi cashanta niptinchëga salbashami cashunpaj.

Juan 3:16,17 «Tayta Diosga runacunata fiyupa cuyarmi japallan cuyay wamranta cachamuran Payman pipis yäraoj cäga mana wañunanpaj chaypa ruquenga imaycamapis cawananpaj. Diosninchëga cay pachaman wamranta cachamusha payman yäraojcunata salbananpämi, manami castigasha cananpächu.»



1 Juan 5:11-13 Tayta Diosga willachimashcanchi Wamran Jesucristuman riguir mana ushacaj cawayta tarinanchipaj cashantami. Chay cawayga Wamrallanchömi caycan. Tayta Diospa Wamranman yäraojcunaga mana ushacaj cawaytami tarin. Mana yäraoj cajmi ichanga chay cawayta mana tarengachu. Gamcunamanga cartata apaycächimö Tayta Diospa Wamranman riguishayquipita mana ushacaj cawayta tarishayquita musyanayquipämi.



Génesis 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Quechua, Huallaga Huánuco Bible (qub) © 2010, Wycliffe
Bible Translators, Inc. All rights reserved. In cooperation with
Asociación Cristiana JAWCA.

<https://www.bible.com/bible/1088/MAT.1>

©2025 Bible for Children, Inc.

www.M1914.org

www.bibleforchildren.org

